

**Job Search #3-**

# **Poputa Angang**

**Masouan**

**Nikinikum**

**Ekiekum**

**Fansoun**



**FUTURES THROUGH TRAINING**

---

**UTAH FARMWORKER PROGRAM**

---

# Poputa Angang - Nikinikum

Mwen ka poputa angang kopwe kaeo ika met sokkun uf mi och me ren om nenian angang. A fakkun och ika otun ra erenuk pwe kopwe angang kopwe chok kapas eis ika ifa ewe “dress code”

## **Business are Professional**

Kopwe ufouf eche säch me eche nektai iteitan ran  
Kesapw pwan ufouf pwan och sokkun uf.

## **Business Casual**

Mwan - rousis me eche uf mi fakkun och, pwan sus mi och  
Fefin - eche skato me sus me eche uf mi fakkun och  
Kesapw nounow chori are anchipwang kesapw pwan aea susen urumwot are ufan urumwot nge ekkewe uf mi och chok kopwe pipisek.

## **Casual**

Kopwe aea rousis usun tangkiri kopwe pwan aea eche uf mi nimenimoch nge ese namwot epwe pwech  
Nge kopwe kapas eis ngeni noum boss pwe kopwe sinei met mefian usun chori me jeans, pwan met mi och kopwe ufouf pun emon me emon boss mi sokofesen.

## **Uniform**

Kopwe chok ufouf met ra ngonuk  
Ika ra ngonuk eche uniform kopwe fakkun tumunu omw na uniform iwe kopwe sopuni iteitan ran are ika a wor ruweche ika chommong omw uniform kopwe ekisiwini omw uniform iteitan ran.  
Kopwe pwan fos ngeni noum boss ren noum sus ika met sokkun sus a mochen kopwe aea pun chommong ekkewe boss ika a wor uniform repwe mochen kopwe aea och sokkun sus.



Ese nifinifin ewe sokkun uf ka ufouf non angang, iteitan ran kopwe ammonaketa. Kopwe fori ekkei mettoch iteitan ran me mwen ka tou seni imwom:

- Kopwe fori ufom pwe epwe nikinikoch kopwe pwan pi pwe ufom mi nimenimoch
- Iteitan ran kopwe tutu me tenu mokurom
- Kopwe aea roll on
- Kopwe pwan birush me ani efoch apach pwe awomw epwe pokus
- Fori mokurom
- Pwisin nengenuk non eche kinas pwe kopwe kuna ika ka nikinikoch
- Pwan ngeni ekkewe mwan kopwe razor iteitan ran

## Poputa Angang - Ekiekum

Om ekiek a pwä ren om fofor. Iwe ika ka mochen pwe aramas repwe sinei pwe ka fakkun pechekun ren ekiekum kopwe fofori ekkei mettoch iteitan ran.

### **Kopwe kirikiroch -**

Emenimen me kirikiroch ngeni aramas meinisin ngeni noum boss pwan ngeni chienom chon angang meinisin

### **Kopwe tipemecheres -**

Kopwe chok emenimen me fori met noum boss a aituk omw kopwe fori. Iteitan fansoun kopwe chok era ewer. Ra ngonuk noum moni pwe kopwe angang iwe mettoch meinisin ra tingorek omw kopwe fori kopwe chok fori kesap tongeni era pwe esapw wisom.

### **Kopwe kutta met mi och -**

Ika ese wor met kopwe ereni emon mi och kesapw pwan fos. Ika kopwe fos kopwe chok fosoch usun chienom chon angang, om kompani pwan neniom nenian angang.

### **Kosap chipwang -**

Ika ka fen wes ren omw angang kosapw chipwang kopwe fen kutta pwan och mettoch ka tongeni fori. Ese nifinifin met ka fori ika ka chok nimeti omw nenian angang are ka kutta pwan och mettoch kesapw chok chipwang. Kopwe pwan eis ika a wor met ka pwan tongeni fori.

### **Kopwe eingino -**

Mi namwot kopwe pwisin eingino, ren om angang, chienom kewe chon angang me ekkewe



chon kamë. Napengeni fansoun epwe ruu wiik mwen om kopwe ureni om angang fan ekkoch a ekkis mang, nge ika ka tongeni eingino ren om angang me nikitu, om angang epwe tongeni fisioch. Ika a wor osukosuk a pwä ren chon kamë are chienom chon angang, chemeni pwe ir aramas esor emon mi unusoch.

Om Ekiek, ina ewe mettoch a fakkun auchea om kopwe aochuno. Ika ka tongeni fori ekkei mettoch ra makk won ei taropwe nupwen ka poputa ne angang, repwe sinei pwe en emon mi ekiekoch. Napengeni ekkewe kompani repwe mochen emon a pechekun ekiekin nap seni emon mi nipwakoch are tipachem. Ika noum boss a tungor om kopwe fori och mettoch, kopwe chok fori, kesap pwan mongunungun.

**Ika Noum We Boss A Mochen Omw Kopwe Fori Och  
Mettoch Kopwe Chok Fori**

# Poputa Angang - Fansoun

---

Non ewe Private Sector, fansoun ina wesewesen eu mettoch a fakkun auchea me ren ekkewe kompani. Napengeni kompani repwe ngonuk niwinum anongonong won hour, iwe ra mochen kopwe angang unusan om kewe hour. Me ren noum kewe boss, nupwen ka tipeiu ngeni om peiof ka pwan tipeiu pwe kopwe angang fan itan na moni, ren om kopwe chok fori met ra mochen.

## **Iwe kopwe chechemeni ekkei mettoch usun fansoun.**

### **Kopwe feino angang iteitan ran -**

Ese och om kopwe misini angang non ewe aeuin ierin om angang. Ika ka samau nge kopwe tungor fansoun asoso pi ika a wesewesen namwot.

### **Kopwe mwutir ngeni angang iteitan ran -**

Kopwe chok kokkot pwe kopwe engon minuts mwutir ngeni angang. Chemeni pwe ina mo ika ka mang ukukkun eu minuts en mi chok mang. Kesap pwan mwutir ne feino seni angang me nukun ika noum boss a mut ngonuk.

Kosapw chok feino seni angang ika kese mo wes. Kesapw pwan tingorei noum boss pwe kopwe mwutir ne asoso ika ese wes omw angang pwan ika noum boss a kapas eis ngeni ekkewe chon angang ian a mochen epwe mwutir ne feino kesapw era pwe ka mochen omw kopwe wes, tori en mi angang ukukkun ru maram, pwan mwirin na kesap pwan fori fan chommong.



## **Kopwe pwan pi ekkei mettoch**

Aea chok ewe fansoun mi mwumuta ne asoso, kesap pwan mang ukukkun eu minuts. Pwan ika ra koruk mwen om fansoun asoso a wes, kopwe chok niwin, kesap pwan ngunungun. Kopwe chok asoso fansoun ra mut ngonuk.

### **Fansoun semwen -**

Kopwe chechemeni inet ka semwen pwan inet kese feino angang pokitan omw semwen. Kesapw kókó pwe ka semwen ika kese wesewesen semwen. Ika noum we boss a sinei pwe ka makken a tufich pwe kopwe tou seni omw angang pun ka makken ngeni noum we boss. Ina mo ika kese tou nge repwe chok chechemeni, iwe resap chiwen nukuk.

### **Fansoun asoso are kukunou -**

Kopwe chechemeni aukukkun fansoun en mi asoso. Kesap asoso me nukun ewe fansoun ra mut ngonuk. Iteitan, Kopwe akkom kokkot ren noum boss mwen kopwe feino asoso ika kukunou. Napengeni ekkewe boss ra mochen om kopwe erenir ruu wiik mwen kopwe feino. Ekkoch boss repwe mochen pwan och fansoun. Iwe kopwe fos ngeni noum boss pwe kopwe sinei ifa usun a mochen oupwe fori kokkoten om kewe ranin asoso.